



Broj: 06-45-527/26
Sarajevo, 26.01.2026. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05) i člana 70. stav (1) i stav (3) Zakona o javnim nabavkama („Sl. glasnik BiH“ br. 39/14, 59/22 i 50/24), nakon provedenog postupka javne nabavke Konkurentskim zahtjevom za dostavu ponuda – „Nabavka računarske opreme za potrebe Zavoda za izgradnju Kantona Sarajevo“, a na osnovu Preporuke komisije za javne nabavke broj: 06-45-386/26 od 20.01.2026. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i**:

O D L U K U
o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke roba **“Nabavka računarske opreme za potrebe Zavoda za izgradnju Kantona Sarajevo”** dodjeljuje se ponuđaču **IMTEC d.o.o. Sarajevo** za ponudenu cijenu nakon e-aukcije u iznosu od **28.896,00 KM bez PDV-a**, PDV 17% 4.912,32 KM, **odnosno u ukupnom iznosu od 33.808,32 KM sa PDV-om**, obzirom da je u predmetnom postupku ponudio najnižu cijenu prihvatljive ponude.
2. Izabrani ponuđač iz tačke 1. dispozitiva ove Odluke dužan je u roku **od 3 (tri) dana** od dana zaprimanja ove Odluke dostaviti ugovornom organu original ili ovjerenu kopiju dokumentacije u skladu sa tačkom 12.1. tenderske dokumentacije, kao i original ili ovjerenu kopiju dokumentacije u skladu sa tačkom 13.2. tenderske dokumentacije.
3. Izabrani ponuđač iz tačke 1. dispozitiva ove Odluke dužan je u roku **od 3 (tri) dana** od dana zaprimanja ove Odluke dostaviti ugovornom organu Obrazac za cijenu ponude u kojem se svaka pozicija umanjuje za isti procenat koliko iznosi konačno procentualno umanjenje ukupne cijene postignute nakon e-aukcije, te će se na takvo umanjenje cijene ponuditi zaključenje ugovora u skladu sa članom 72. Zakona o javnim nabavkama („Službeni glasnik BiH“ br. 39/14, 59/22 i 50/24).
4. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
5. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45-385/26 od 20.01.2026. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45-10433/25 od 05.12.2025. godine, Zavod za izgradnju Kantona Sarajevo je pokrenuo postupak javne nabavke sa namjerom provođenja e-aukcije, pripremio tendersku dokumentaciju, objavio Obavještenje o nabavci, broj: 285-7-1-93-3-34/25 na portalu javnih nabavki, Ispravku za obavještenje o nabavci, broj: 285-7-1-93-8-37/25 i Ispravku za obavještenje o nabavci, broj: 285-7-1-93-8-39/25 i objavio tendersku dokumentaciju i izmjene tenderske dokumentacije za konkurentski postupak javne nabavke: **“Nabavka računarske opreme za potrebe Zavoda za izgradnju Kantona Sarajevo”** na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu



objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Javna nabavka **“Nabavka računarske opreme za potrebe Zavoda za izgradnju Kantona Sarajevo”** oglašena je u „Službenom glasniku BiH“ broj: 76/25 od 19.12.2025. godine, Ispravka za obavještenje o nabavci broj: 76/25 od 19.12.2025. godine i Ispravka za obavještenje o nabavci broj: 78/25 od 26.12.2025. godine.

Procijenjena vrijednost javne nabavke iznosi: 28.925,00 KM bez PDV-a.

Krajnji rok za prijem ponuda bio je 12.01.2026. godine do 12:30 sati.

Komisija za javnu nabavku sastala se dana 12.01.2026.godine u 13:00 sati, radi preuzimanja i otvaranja ponuda u postupku javne nabavke **“Nabavka računarske opreme za potrebe Zavoda za izgradnju Kantona Sarajevo”**, koju su podnijeli ponuđači:

- **EMADO d.o.o. Sarajevo**, cijena ponude **28.900,00 KM bez PDV-a**, popust:0,00 KM, PDV 17% 4.913,00 KM, odnosno u ukupnom iznosu od 33.813,00 KM sa PDV-om i

- **IMTEC d.o.o. Sarajevo**, cijena ponude **28.925,00 KM bez PDV-a**, popust:0,00 KM, PDV 17% 4.917,25 KM, odnosno u ukupnom iznosu od 33.842,25 KM sa PDV-om.

Predsjednik Komisije je otvorio ponude navedenih ponuđača i iz „Obrasca za cijenu ponude“ i „Obrasca za ponudu“ pročitao ponuđene cijene ponude, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda nije bilo ovlaštenih predstavnika ponuđača što je konstatovano u zapisniku sa otvaranja ponuda.

Komisija je istog dana na zatvorenom sastanku izvršila pregled dostavljenih ponuda da bi utvrdila da li su ponuđači ispunili uslove iz člana 45. do 52. Zakona o javnim nabavkama („Službeni glasnik BiH“ br. 39/14, 59/22 i 50/24), kao i da bi utvrdila da li su ponuđači dostavili ponudu u skladu sa zahtjevima iz tenderske dokumentacije i da li su kvalifikovani za izvršenje predmetnog ugovora.

Komisija je utvrdila sljedeće:

Ponude ponuđača EMADO d.o.o. Sarajevo i IMTEC d.o.o. Sarajevo su računski tačne.

Ponuđač **EMADO d.o.o. Sarajevo** je dostavio ponudu u skladu sa zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14, 59/22 i 50/24), kako je i zahtijevano tenderskom dokumentacijom, te je ponuda ponuđača **EMADO d.o.o. Sarajevo, prihvatljiva.**

Ponuđač **IMTEC d.o.o. Sarajevo** je dostavio ponudu u skladu sa zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14, 59/22 i 50/24), kako je i zahtijevano tenderskom dokumentacijom, te je ponuda ponuđača **IMTEC d.o.o. Sarajevo, prihvatljiva.**

Tenderskom dokumentacijom je propisano da je kriterij za dodjelu ugovora najniža cijena i predviđeno je da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.80/23) provede e-aukcija.

E-aukcija za predmetni postupak zakazana je za dan 16.01.2026.godine u 12:30 sati i ista je uspješno završena.

Prema rezultatima Izvještaja o toku i završetku e-aukcije sačinjena je konačna rang lista ponuđača koji su sudjelovali u e-aukciji za postupak javne nabavke **“Nabavka računarske opreme za potrebe Zavoda za izgradnju Kantona Sarajevo”** (cijene bez PDV-a nakon e-aukcije):



Bosnia and Herzegovina
Federation of Bosnia and Herzegovina

CANTON SARAJEVO
Institute for Construction of Canton Sarajevo

1. IMTEC d.o.o. Sarajevo.....28.896,00 KM
2. EMADO d.o.o. Sarajevo28.900,00 KM

Nakon izvršene ocjene ponuda i okončane e-aukcije Komisija daje preporuku Ugovornom organu:
Da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14, 59/22 i 50/24) ugovor u postupku javne nabavke **“Nabavka računarske opreme za potrebe Zavoda za izgradnju Kantona Sarajevo”**, dodijeli ponuđaču **IMTEC d.o.o. Sarajevo** za ponudenu cijenu **nakon e-aukcije** u iznosu od 28.896,00 KM bez PDV-a, PDV 17% 4.912,32 KM, odnosno **u ukupnom iznosu od 33.808,32 KM sa PDV-om**, obzirom da je u predmetnom postupku ponudio najnižu cijenu prihvatljive ponude.

Komisija je sačinila Zapisnik o ocjeni ponuda broj: 06-45-385/26 od 20.01.2026.godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.

Izabrani ponuđač iz tačke 1. dispozitiva ove Odluke će u roku **od 3 (tri) dana** od dana zaprimanja ove Odluke dostaviti ugovornom organu original ili ovjerenu kopiju dokumentacije u skladu sa tačkom 12.1. tenderske dokumentacije, kao i original ili ovjerenu kopiju dokumentacije u skladu sa tačkom 13.2. tenderske dokumentacije.

Izabrani ponuđač iz tačke 1. dispozitiva ove Odluke će u roku **od 3 (tri) dana** od dana zaprimanja ove Odluke dostaviti ugovornom organu Obrazac za cijenu ponude u kojem se svaka pozicija umanjuje za isti procenat koliko iznosi konačno procentualno umanjenje ukupne cijene postignute nakon e-aukcije, te će se na takvo umanjenje cijene ponuditi zaključenje ugovora u skladu sa članom 72. Zakona o javnim nabavkama („Službeni glasnik BiH“ br.39/14, 59/22 i 50/24).

Shodno navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknadi za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu, u roku za izjavljivanje žalbe.

Pripremila: Armina Daut, dipl. pravnik
Kontrolisala: Vildana Zeba Viteškić, dipl.pravnik

Belma Barlov, dipl.ing.arh.

DOSTAVITI:

1. Imtec d.o.o. Sarajevo putem e-mail: prodaja@imtec.ba
2. Emado d.o.o. Sarajevo putem e-maila: tenderi@emado.ba